

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第二五冊

地方志人物傳記資料叢刊

國

家

圖

書

館

編

北京圖書館出版社

第二十五冊目錄

(道光)重修蓬萊縣志

人物志	一
功業	一五
鄉賢	二一
忠勇	三三
仕績	四五
孝友	五七
行誼	八〇
寓賢	八〇

(光緒)蓬萊縣續志

官職志	八七
選舉志	九六
人物志	一一〇
鄉賢	一一〇
忠勇	一二〇
仕績	一二四
孝友	一三〇

行誼

恩綸志	一三二
藝文志	一三七
藝文志	一四五

(康熙)黃縣志

職官志	一五七
選舉志	一六五
人物志	一七〇
藝文志	一八四

(康熙)福山縣志

職官志	一八七
恩綸志	二一〇

(康熙)棲霞縣志

官師志	二一五
選舉志	二二二
人物志	二六〇

(乾隆)棲霞縣志

官師志	二八一
人物志	三〇〇

傳記.....三一八

(光緒)棲霞縣續志

秩官志.....三三一

人物志.....四三〇

藝文志.....五四一

(順治)招遠縣志

封建.....五五九

職官.....五六七

科貢.....五七七

人物.....五八八

孝義.....五九六

勇節.....五九八

列女.....五九九

仙釋.....六〇二

(康熙)萊陽縣志

人物志.....六〇五

世賢.....六〇七

忠節.....六四四

孝義.....六四七

隱逸.....六五五

孝媛.....六五八

烈婦.....六六一

節婦.....六六九

外紀.....六七七

重修蓬萊縣志卷之九

人物志

功業

士之策名委贄苟稍知自好未有不思報塞者也若夫伏闕陳言精義貫乎天地佩符專閭沉謀秘乎鬼神感星辰而作輔鍾河山而降靈身係存亡功在社稷此豈僅凜清白之操博慈惠之譽所可同日語哉蓬邑代有偉人若浦忠烈戚武莊諸人精忠駿烈有不可多觀者矣故首志之爲吾鄉仕宦者致敬仰焉

宋

王居卿

字壽明以進士知齊州提舉夔路京東刑獄鹽鐵判官奏商賈轉百貨市塞上者聽以家貲抵於官爲給長券至賣所輸稅公私便之出知揚州改京東轉運使青州河貫城中苦泛溢居卿卽城立飛梁上設樓櫓下建門以時啟閉人誦其智徙河北路河決曹村居卿立軟橫二掃以遏怒流而不與水爭朝廷賞其功爲都水法拜戶部副使提舉市易擢天章閣待制河北都轉運使知秦州太原府崇祀忠孝祠

高敏

爲涇原指揮使數與西夏戰遭重傷范仲淹韓琦皆薦之爲閣門祗候歷利州路邠寧環慶都監主

蕃部事羌圍大順城偏將趙懷德力戰其下以銀
買級主帥李復圭以所部不整欲治之敏言懷德
善用人戰必勝當畧其小過且蕃官難強以漢法
復圭乃止羌人聲言將出鄜延敏屢白復圭曰兵
家之事聲東擊西環慶嘗破白豹金湯結累已深
不可不備已而果以兵三十萬來寇總管楊遂駐
兵大義以敏爲先鋒將夏人攻奪大順水砦敏出
通路自寅及午且戰且前多所斬獲次榆木援兵
不至中流矢死詔贈嘉州刺史錄
其三子爲侍禁殿直崇祀忠孝祠

元

張良弼

宣尉使駐秦州除官屬徵納軍需進湖廣陝西參
政襄樊節度使總督擴廓全軍與李思齊同起義
兵今襄鄖間尚有良弼營故址
事實詳元明兩史並襄陽府志

功業

明

許銳

進士授行人選御史孝宗初中侍梁方陳喜章與以先朝寵臣擅權亂政銳再劾罷之時臺閣條詔阻塞言路乃力陳其奸以修省事劾罷閣老劉吉徐溥監寺李興郭鏞及按口北條陳邊務六事陳言時政十二事按南畿屏奸旌直人服其公適星變陳修政弭災八事忤當道出僉山西時兄鉞以國子生養母於家乃陳情終養代兄令得仕疏凡三上未允憂鬱成疾卒崇祀鄉賢祠忠孝祠

戚祥

原籍江南定遠人洪武初百戶從西畧地有功以戰歿有開國功遷登州衛指揮僉事籍蓬萊

趙秉倫

字宗道進士知陝西咸寧共稱其卓異三十六事
徵拜御史孝廟賓天首建議議以送終大事延訪初
政皆宜嚴肅劾諸近臣哭臨褻慢之罪糾正勲戚
侵田條奏邊務悉見施行以父艱去任立朝不滿
三載風裁赫然崇
祀鄉賢祠忠孝祠

何亮

進士除知廣宗時河決曲爲疏引水不爲患調陝
西咸寧秦俗婚姻尚財爲諭以古禮士貧有不能
葬娶捐俸以給卓有惠政擢南京戶科給事中條
劾劉瑾悖逆不臣幾遇禍瑾誅復奏以其財貨充
邊用除漢陽守釐弊除奸百度振刷未幾以疾卒
官副使蔡潮爲立祠祀之鳳山之岡崇祀鄉賢祠
忠孝祠

任忠

進士授給事中每疏不避權閹而詞旨忠婉能動採納出守天雄捐俸資士兵備易州訓習兵馬爲北輔倚仗歷藩參左右方伯歷官陝西巡撫卒於官賜葬祭崇祀鄉賢祠忠孝祠

浦 鎡

政之王字汝器號竹堂進士授淇洞令擢御史以親老乞終養服闋復職廷議大禮劾郭勛奸貪時尙書林俊陶爰徵八復出太監秦文旣出復入鎡上疏曰非內君子外小人以保泰之道也巡居庸陳邊務六事時政六事掌河南道除奸屏邪了無避忌按陝上疏救楊爵下獄死隆慶改元贈光祿少卿諡忠烈崇祀忠孝祠鄉賢祠蔭孫朝柱累官知州萬歷三十一年勅建忠烈祠春秋戊祭事詳明史列傳著有全陝政要集竹堂奏議竹堂詩集行世子之雲知縣

陳 鼎

禮部尚書廸四世孫進士授禮科給事中劾廖愷
子姪倖舉鄉試會流賊起條陳弭盜機宜與巨璫
爭辨不屈繫獄罷歸嘉靖改元復職任陝西叅議
撫治商雒時逆賊猖獗震動三輔鼎悉平之擢副
使兵備歷浙江按察使應天府尹崇祀鄉賢祠忠孝祠

吳昶

進士授河南推官多所平反擢御史執法不避權
貴巡屯山西薦賢斥墨風紀肅然軍屯一清以母
老挂冠終養孝友兼著前後十三徵不起朝野重
之著石洞主人稿子之美進士任禮科給事中蹇
諤有父風崇祀鄉賢祠忠孝祠

陳其學

鼎之子進士號行菴授行人選御史上疏請立東
宮詞甚愷切錦衣陸炳威傾中外學首劾之歷慶

功業

陽榆林兵備修繕城堡督撫上其功賜之金幣復
總督宣大加一品俸陞南京刑部尚書致仕歸二
十年存問二次贈少保諡
恭靖崇祀鄉賢祠忠孝祠

王言

字代言方正簡默與人不假詞色聯第改庶吉士
轉授御史請粟賑饑按淮揚蘇松抗疏劾隆平侯
能識袁宗伯洪愈於諸生淪落中嚴相以通家致
之不屈轉僉事大計榜已出嚴世蕃大書言秩名
巡檢驛丞後公論愕然拂袖歸里爲族弟心與膺
置田產畢婚娶著有一泉集家訓修登州府志崇
祀鄉賢祠
忠孝祠

張瑤

字天游號海骨天啟戊午亞魁乙丑進士授開封
推官持法明允以資望已擬銓部直不諧時陞直

定同知七疏奏辨觸忌左遷歸里殉難贈光祿寺少卿賜祭葬廕子列明史忠義傳著有持忠堂詩文集崇祀鄉賢祠忠孝祠本邑南街有專祠

陶致煒

性之子字養豫號映垣七歲博通經史德行文章爲一時冠詩畫字稱三絕泰昌恩選第一爲南召令拒逆瑞腹黨戡勢宦臬孫爲民請命不遺餘力會宦黨忌之笑曰強項如此豈能折腰解綬家居著有參同契解游覽紀畧自怡文集歷代詩選修郡志繪十景圖繡息時猶長吟不絕門人謚曰文貞子大章虹縣知縣祀忠孝祠

戚景通

字世顯其先百戶祥以畧地戰歿世襲登州衛指揮僉事青州賊李琪反據蒙陰山景通微得琪與

姦民出入狀將數十騎往遂就擒頃之劉賊起河北橫行山東景通奉檄以七百人守鄒道出平度遇賊擊却之兵罷以軍政掌印部使者舉孝廉陞江南運糧把總至則去積弊却羨餘戚勲以總督備倭至欲引景通爲同姓景通謝曰先世故姓倪載在勲府卽自附靈善之謂何卒却之拜總督備倭陞山東都司僉事奉詔改神機營母閻氏貞節年老請終養從之仍支俸山東便奉給景通居官廉事母孝子繼光有傳崇祀忠孝祠

戚繼光

字元敬號南塘別號孟諸中乙卯科武舉襲進總督備倭歷官左柱國金紫光祿大夫都督少保兼太子太保謚武肅四提將印身經三十九戰凡戰皆捷爲嘉隆萬三朝名將勅賜專祠賜額表功入文武廟祀鄉賢祠忠孝祠著書十三種文學又稱極盛焉有父子總督坊迄今論功於南百五十里

倭患不作論功於北二千餘里邊烈猶存且八閩
兩越在在建廟遠左薊門處處尸祝萬歷末諡武
莊子五俱承廕有董承詔傳八藝文志據戚氏家
乘按公家乘始祖祥卽襲登州衛指揮至武莊
凡七世皆葬於蓬萊芝山之麓其世系安徽定遠
一支湖北江夏一支若蓬萊一支實武莊嫡派也
附誌

沃田

登州衛指揮同知武進士任漕運把總有功陞都
司禦倭淮揚敵寇天長田赴援斬獲甚衆兵寡矢
盡戰歿事聞贈都督僉事予世襲指揮使立祠天長祀忠孝祠

董允恩

文煥子負奇畧萬歷乙卯歲大祿省撫李長庚聘
輸遺粟活生命數萬題功首旌授守備升天津都

司兵變單騎息其譁部院畢自嚴以文武全材題
攝中路監軍歷潞河臨清協副將崇禎十三年上
虞河漕淤塞特授海漕提督總兵官都督同
知十六年押運至膠禦敵死予蔭祀忠孝祠

衛青

字明德任指揮使以靖難歷奏戰功拜輕車將軍
鎮守山東授保身勅券在山東地方沿海巡道備
倭十四年飛渡滅倭後蒲臺寡婦唐賽兒以妖術
倡亂通省遭害尋卒兵至安邱縣掩擊剿除數擒
亂首送京上大悅以璽書勞之曰爾能運謀設策
奮忠賈勇殄滅妖賊惟民是保雖古之名將復何
加焉誠可謂真將軍矣捷音之來深愜朕意勅卿
今衛青敢比漢衛青欽哉特頒將印勅爾軍中相
機便宜行事到處官兵悉聽節制特進光祿大夫
龍虎將軍左都督府都督上柱國奉天翊衛宣力
武臣世襲宣城伯祀忠孝祠

衛時春

青七世孫世襲宣城伯崇禎十八年國亂率親眷三十二口投井殉難勅建伯府山東登州府賜葬濟南衛城西黃岡鳳山並賜海國都督府山東第一家楹聯府前左右賜忠孝二字碑勅建功勳世澤宣城伯祠在蓬萊閣天后宮左側祀忠孝祠

國朝

滕國祥

字輔公由行伍累陞登鎮水師遊擊公正嚴明康熙年爲海寇陳尙義藥鎗中傷身亡事聞晉秩賜卹廕子贈驃騎將軍雍正三年入祀京都昭忠祠載大清一統志功臣傳八年崇祀鄉賢祀忠孝祠藝文志有傳